


Bibilia cuna Anapiana Anhacupangisa



Cuzulu,
Cunhumba
yacubhalica
ya Mulungu



Anhaculemba: Edward Hughes
Anhacupangisa: Lazarus
Alastair Paterson
Anhacusangula: Sarah S.
Anhcuchinja Mulongero: Sarifo Buramo Cheia
Anhacuphica: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.


Lemba apa mulankhulu udhaphatisewe
bhasa pacuchinja chithancano ichi.

Yesu picakhala iye pazico yapansi apanga atewereri
ache na piacuzulu. Iye athula cuzulu zina,
"Cunhumba ya Bhabha Wanga", mbalonga pina
cuti, cucco cuna nhumba zizinji.

Mbutu ziculu nazacubhalica
zirico. Cuzulu cwacula
nacubhalica cacamwe
cupiringana mbuto
ipi piao yapazico
yapansi.




Yesu alonga, "Ndiri cwenda casasanha mbuto cuna imwe. Ndicaenda casasanha mbuto cuna imwe, ndinabwera pina zacucwatani cuti mukhale naine." Yesu aenda cuzulu, pidhamala Iye culamuca mwa ale acufa. Picacwira Iye cuzulu, atewereri ache acaona, natenepa macuta acuzulu



3

Cubhulukira pepale cufikira nalero, macristu asanherezera chipikirwa cha Yesu cha cubhwera pina cuza caacwata. Yesu alonga cuti Iye anazabwera mwacututumusa, nkhabhe munthu anazapiziwa. Pinachiticambo tani cuna macristu anafa, Yesu asati abwera? Buku isalonga cuti anafa ale, asaenderatu cakhala na Yesu. Cukhala cunja cwamanungu



4


Chioneso, buku yacumapeto ya Bibilia, isatipanga nacubhalica cacamwe cwa cuzulu. Chinthu chichulu chacubhalica cacamwe, na njira yacusiana ndi chacuti, Cuzulu ndi cunhumba ya Mulungu. Mulungu

ali cwansenekwene, mbwenhe mpando wache Mulungu ali cweco Cuzulu.



5

Ngirosi na pinangombo pinapuma pisacuzu Mulungu Cuzulu. Anthu ansene aMulungu adhafa, ayenda cuna Mulungu. Awene asaimba nhimbo zacusiana cucuza Mulungu cuzulu.



6


Awa ndi mafala mangasi anhimbo zinaimbiwa Cuzulu: IYE UNACUZWA THANGWI WATICONONDOLA CUTIYENDESA CUNA MULUNGU NA CHIOPA CHACO CHIDHA YERERA CUNA MAZINDZA ANSENE, MBUTICHITAMBO MAMBO NA ANHANSEMBE CUNA MULUNGU WATHU. (Ap.5:9)



7


Pasamba yacumalisira ya Bibilia, isalonga tangwi yacuzulu ninga "Jeruzalema Itswa". Ichi ndi iculu cacamwe, namafufu aculapha maningi cunja. Mafufu awa ndi amiyala yadhidhi nayacunhetuca cacamwe. Miyala yacubhalica na ntengo wapazulu cacamwe ndiyo iri mpansi pamafufu,

mbazozwa namintundu yacusianasiana. Nsuwo ubhozi na ubhozi wa thaundi wachitwa na pinthu piculu piacubhalica cacamwe!



8

Misuwo inere yacubhalica na cuwanga nkhabhe fungwa tayu. Mbatipite nkati tione... CHII! Cuzulu, ncati mwache ndimwacubhalica cacamwe. Thaundi njacumangwa na oro wacusucwa, ninga supeu. Na njira zache ndi zacumanwa na oro bhasi.



9

Nhanza yacubhalica, yacuoneca pacwecha ya mazi aupenhu asayerera bhulukira pampando waumambo waMulungu. Cunkhundu cwa nhanza cusaoneca muti waupenhu, udhatomwa cuikhwa muMunda wa Edeni. Muti uyu ndi wacusiana cacamwe na miti inango. Muti uchu usabhala misapo khumi na miwiri yacusiana-siana. Misapo yacusiana-siana mwezi ubhozi na ubhozi.


Masamba amuti uchu waupenhu asaphatabhasa pacuwangisa



nthenda za mazinza ansene.


10

Cuzulu nkhabhe funica zuwa na mwezi cuti cukhale na chieza. Mbiri yaMulungu yacwana cuti izaze na chieza chiculu cacamwe. Cuzulu nkhabheco masicu. Ndi cwacuchena bhasi.



11

Napinhamapiene piansene piacuzulu ndi piacusiana. Pinhama piansene ndiuchamwali mwawo. Mabhinzi na mabhira asadya sanga ansene. Na pai nkhalamuene asadyambo sanga bhasi, ninga mbuzi. Mbuya alonga, "Iwo nkhabhe cuzabhulusa chiropa peno cufudza na phiri yanga yansene yacuchena."



12

Ife ticafungula maso mbitiona mwadhidhi, tinaona cuti pana pinthu pinango piasoweca Cuzulu. Mafala acupinda nkhabhe veca tayu. Nkhabhe munthu cuti alicumenhana peno cukhala naucundi.



13

Cweco Cuzulu nkhabheco nkhabala zacumanga misuwo peno misuwo yachiene, thangi Cuzulu nkhabheco mambava. Cweco nkhabheco nthatawa, anhapuha anzawo, afiti peno anthu anango acuipa ntima. Cweco Cuzulu nkhabheco na ntundu ubhoziene wapiacuipa.



14



Cuzulu na Mulungu nkhabheco misozi. Namizizi inango anthu aMulungu asalira nathangwi yacuvacupha cuculu muntima paupenhu uno wapazico yapansi. Cuzulu, Mulungu anazapucusa misozi ya anthu ansene.

15

Cuzulu nkhabheco cufa tayu nalini. Anthu aMulungu anazakhala na Mbuya cwenda na cwenda. Cunazakhalave nacuthabhuca tayu, culira cunazamaliratu, nacuvacuphambo cunazaonecave tayu. Nthenda, phwando za anthu zinazaonecave tayu. Anthu nkhabhe cwendave cumasiye tayu. Munthu wansene Cuzulu ali wacucomerwa cwenda na cwenda na Mulungu.



16

Piadhidhi cacamwe ndi piacuti, Cuzulu ndi cwa aphale na asicana (na anthu aculumbo) ale adhatawira Jesu Cristu ninga mpulumusi wawo pina mbanvesera ninga Mbuya wawo. Cuzulu cuna buku isachemerwa, **BUKU YAUPENHU YABHIRA**. Buku ichi idhazala namazina anthu. Iwe usapiziwa cuti ndi mazina aani ali mubuku inere? Mazina anthu ansene anatambira nacuthemba Yesu.



Codhi iwembo, zina yaco ari mwemule?

17

Mafala acumalisa amubuku yaMulungu-Bibilia, na thangwi ya Cuzulu ndi cucheimerwa cuculu cacamwe. "Pina, Nzimu na mwanakhode asalonga, 'BWERANI!' Pina, lecani ule anava alonge 'BWERANI!' Pina, leca ule ananhota abwere. Pina, ule anafuna, musie acwate pezi mazi aupenhu."



18

Cuzulu, Cunhumba yacubhalica ya Mulungu


Chithancano chafala yaMulungu, Bibilia,

Chisaonecwa mu

Juwau 14; 2 Corintu 5;
Chioneso 4, 21, 22

"Mapitiro aMafala Anu asapasa chieza."
Salmu 119:130

19



60



60

20

Chithancano ichi cha muBuku chisatipanga na pia Mulungu wathu wanculu adhatichita ife, Mulungu Ule anafuna cuti iwe umuziwe.

Mulungu asapiziwa cuti ife tachita pinthu piacuipe, pire pinachemera Iye picadho. Mbhairo wapicadho ndi cufa, mbwenhe Mulungu asacufuna piculupiene, Iye atuma Mwana Wache mbhoziene bhasi, Yesu, cuti afe paNtanda, mbaoneswa nhatwa nathangwi yapicadho piaco. Bhuca pepo Yesu akhala pina maso mbabwerera cunhumba Cuzulu! Iwe ucantawira Yesu mbumpidhiri cuti aculekerere piacuipe piaco, Iye anapichita! Iye anabwera mbakhala muncati mwa iwe chinchino pano, pina, iwe unazakhala na Iye cwenda-na-cwenda.

Khala iwe wapitawira cuti ipi ndipiodhi, longa tenepa cuna Mulungu: Yesu wacufunica, ndatawira cuti Iwe ndiwe Mulungu, mwachitica munthu cuti mufere piacuipe pianga, chinchino imwe muli maso pina. Ndapota, bwerani, mupite muntima mwanga, ndilekererene madhawa anga, cuti ndikhale na upenhu utswa chinchino pano, pina, nsicu ubhozi ndizakhale na Imwe cwenda na cwenda. Ndiphezeni cuti ndicuvereni pina ndikhale Wanu ninga mwana Wanu. Amen.

Werenga Buku, longa na Mulungu nsicu zansene! Juwau; 3:16